

*ԲՆԱԳՐԵՐ ԵՒ  
ՈՒՍՈՒՄՆԱՍԻՐՈՒԹԻՒՆՆԵՐ  
TESTI E STUDI*



## ՀԻՆ ՀԱՅԱՍՏԱՆԻ ԲԱԳԻՆՆԵՐԸ

Հայագիտութեան զարգացման բնորոշ գծերից մէկը, սկսած նրա հիմնաւորումից առ այսօր, Հայաստանի եւ Հայերի մասին օտար եւ տեղական գրաւոր աղբիւրների բազմակողմանի ուսումնասիրութիւնն է, ապա նրա արդիւնքներին համապատասխան շօշափելի փաստերի, դիցուք՝ հնագիտական յուշարձանների որոնումը: Այսպէս՝ հռչակաւոր Անի քաղաքի մասին գրաւոր տրւեալները եւ բանահիւսական նիւթը առաջադրեցին քաղաքի հնագիտական ուսումնասիրութեան անհրաժեշտութիւնը, որով հայ հնագիտութիւնը կատարեց իր առաջին հաստատուն քայլը անցեալի Հայաստանի պատմութեան եւ մշակոյթի բացայայտման հարցերում: Քիչ անց՝ խորհրդային առաջին տասնամեակներին, նման զարգացումներ ստացան նաեւ հին Վաղարշապատի եւ Գառնի ամրոցի մասին գրաւոր պատմական տեղեկութիւններն ու վիմագրական տուեալները, որոնք առիթ հանդիսացան Աշխարհբեկ Քալանթարի գլխաւորած արշաւախմբի պեղումների համար հին Վաղարշապատի առաւել ենթադրելի տարածքում եւ Բաբկէն Առաքելեանի ղեկավարած գիտարշաւի ուսումնասիրութիւնների համար Գառնի ամրոցի տեղում: Սրան յաջորդեցին հին Հայաստանի մայրաքաղաքների մի մասի՝ Արմաւիր, Արտաշատ, Երուանդաշատ, պեղումները:

Նոյն յաջորդականութիւնը օրինաչափ է նաեւ յուշարձանների առանձին տեսակների ուսումնասիրութեան հարցում, որ թելադրուած է հայագիտութեան տեսական զարգացումներով: Նշուած խմբում պէտք է տեսնել նաեւ մեր քննութեան առարկայ դարձած յուշարձանի վերաբերեալ փաստական նիւթը: Ընդ որում՝ սպասելի է, որ ինչպէս գրաւոր տուեալները առաջ են մղում հնագիտական ուսումնասիրութիւնների գործընթացը՝ պարզելու համար այս կամ այն եզրի ետեւում թաքնուած բովանդակութիւնը եւ նրա իրական տեսքը, այնպէս էլ հնագիտական նիւթը կարող է ունենալ գտածոները լրացուցիչ գրաւոր աղբիւրներով լուսաբանելու անհրաժեշտութիւն:

Հին Հայաստանի հոգեւոր ժառանգութեան առաւել ուշագրաւ բնագաւառներից մէկը հին հայերի պաշտամունքն է եւ նրան առնչուող հաստատութիւնների համալիրը: Վաղմիջնադարեան հայ գրաւոր աղբիւրները սրանց մասին թողել են սուղ, սակայն արժէքաւոր տեղեկութիւններ: Այս տուեալների մի մասը ակնարկում է իւրայատուկ սրբազան կառոյցների՝ բազիլիների մասին:

Ի մի բերելով յայտնի բոլոր հայկական եւ հարեւան ու հեռու ժողովուրդների պաշտամունքային համակարգերի տուեալները՝ Հ. Ղեւոնդ Ալիշանը տուել է բազիլի եգրի հետեւեալ բնորոշումը. «Բագիլ: Երբեմն այսպէս է անուանում մոյնիսկ մեհեանը, բայց սովորաբար նրա գլխաւոր մասը, ուր դրում էին պաշտելիմ, կուռքը եւ գոհը, ինչպէս մեր եկեղեցիների սեղանն է: Բագիլը երբեմն լինում էր նաեւ շարժական, այսինքն՝ սեղանն ու կուռքը մէկտեղ, փոքր ծածկով կամ առանց դրա վերցնելով տեղից տեղ էին տանում, ինչպէս քրիստոնեաներն էլ պատերազմի ժամանակ շարժական սեղաններ են տանում»<sup>1</sup>:

Հայագիտութեան առաջին դասականներից յետոյ, բազիլիներին վերաբերող գրաւոր աղբիւրագիտական տուեալները քննութեան է առել Բարկէն Առաքելեանը, որի արդիւնքներն էլ յենակէտ են հանդիսանում յետագայ՝ աւելի խորացուած ուսումնասիրութիւնների համար:

Ներկայումս հայագիտութեան մէջ բազիլիների վերաբերեալ գոյութիւն ունեն հաւասարապէս ընդունուած մի շարք բնորոշումներ: Նման արդիւնքը, ինչպէս դժուար չի լինի դրանում համոզուել, մատնանշում է, որ այս բնորոշումները դեռեւս գիտական վարկածներ են՝ խիստ կարօտ լրացուցիչ եւ յուսալի տուեալների օգնութեան: Նոր փաստերի վերհանումը նաեւ վճռական կարող է դառնալ աւելի անաչառ լուսաբանելու համար ոչ միայն հին հայերի հեթանոսական կրօնի, մասնաւորապէս, կրօնական հաստատութիւնների եւ ծէսի մանրամասները, այլեւ հին հայոց գաղափարախօսութիւնն ընդհանրապէս:

Առանձին մի տեսական խնդիր է, թէ արդեօք հայոց տաճարները եւ սրանց յարող կառոյցները մինչեւ քրիստոնէութեան նախաչեմը մնացե՞լ են խիստ աւանդական տեսքով եւ նմա՞ն են

1 Ա.Լ.ԾԱՆ, Հ. Ղ., Հայոց հին հաւատքը կամ հեթանոսական կրօնը, Երևան 2002, 215:

եղել հարեան երկրների հինարեւելեան դասական շինութիւններին, թէ ժամանակի ընթացքում ստացել են հելլենիստական յայտնի տաճարներին եւ տաճարական համալիրներին բնորոշ տեսք: Հնչած վերջին այս խնդիրը ոչ պակաս կարեւոր է հին Հայաստանի պատմութեան համար:

Հին Հայաստանի պաշտամունքային շինութիւնների եւ մասնաւորապէս բազիլիների վերաբերեալ փաստական սուղ տուեալների արմատական լուսաբանման հիմնական գրաւականը Հայաստանի մշակոյթի առանձին խնդիրներին վերաբերող հայ միջնադարեան եւ օտար գրաւոր սկզբնաղբիւրների ընձեռած տուեալների համադրումն է Հայաստանի եւ Մերձաւոր Արեւելքի ու Արեւելեան Միջերկրածովի երկրների պաշտամունքային կառույցներին վերաբերող հնագիտական նիւթի հետ, որն ինքնին ծաւալուն ուսումնասիրութեան առարկայ է: Նկատենք, որ այս փաստական տուեալների կազմում Հայաստանին վերաբերող նիւթը թէեւ առաւել կարեւորն է բուն երկրի պատմութիւնը լուսաբանելու համար, սակայն իր ծաւալով ամենահամեստն է՝ թողնելով առաջժամանակեւի կամ թերի շատ խնդիրներ:

Հայ հեթանոսական գաղափարախօսութեանը վերաբերող հնագիտական տուեալներ մինչեւ անցեալ դարի կէսերը, եթէ անգամ ի յայտ են եկել, ապա չափազանց աւերուած՝ հայագէտներին թողնելով սպասողական վիճակում<sup>2</sup>: Այս պայմաններում ծնուած մի մասնաւոր հարց է, թէ իրականում ինչ պէտք է հասկանալ գրաւոր սկզբնաղբիւրների յիշատակած բազին հասկացութեան տակ, եւ հայագիտութեան կողմից բազիլների համար առաջարկուած հետեւեալ հնարաւոր տարբերակներից ո՞րն է աւելի մօտ իրականութեանը:

2 Հայագիտութեան մեր միւս երախտաւորը՝ Գեորգ Տիրացեանը, ձեռքի տակ ունենալով շատ սուղ տուեալներ, այնուամենայնիւ հակում էր այն կարծիքին, որ հին Հայաստանի տաճարներն իրենց կերպարանով աւելի հինարեւելեան են եւ նուազ հելլենիստական տիպի (տե՛ս ТИРА-ЦЯН, Г. А., *Культура древней Армении*. VI в. до н. э. – III в. н. э. (по археологическим данным), Ереван 1988, 100-101: Սրա մասին մանրամասն տե՛ս նաեւ HAKOBYAN HAYK, *Gregory the Illuminator in Front of a Pagan Temple*, in *Aramazd: Armenian Journal of Near Eastern Studies, Urartu and its Neighbors; Festschrift in honor of Nikolay Harutyunyan in occasion of his 90<sup>th</sup> birthday*, V, Issue 2, 2010, 201-236; ՅԱԿՈԲԵԱՆ ՀԱՅԿ, *Հեթանոսական տաճարը Լուսաւորչի թիկունքում*, ի «Հանդէս ամսօրեայ», ՃԻԶ (2012), թիւ 1-12, 110-174):

*Ա.- Մինչեւ այժմ առաջարկուած բնորոշումներից մէկն այն է, որ բազինները մեհեաններ են՝ կուռքերի համար շինուած տաճարներ<sup>3</sup>, այսինքն՝ տաճարական շէնքեր՝ սրանցում կուռքեր տեղադրելու համար: Բ. Առաքելեանի նման բնորոշման համար հիմք է ծառայել Ազաթանգեղոսի այն հաղորդումը, համաձայն որի՝ աւերուում են «Բազինների ամենայն շինութիւնները» (կամ շինուածքները)<sup>4</sup>: Ստորեւ տողատակում տրուած ծաւալուն նկարագրութիւնից երեւում է, որ տուեալ բազինները բարձր տեղում տարբեր տեսակի շինանիւթերով կառուցուած ինչոր շինուածքներ են, սակայն բացթեայ, թէ ծածկի տակ առնուած, սկզբնաղբիւրի տողերում մնում է անյայտ:*

*Բ.- Երկրորդ հնարաւորութիւնը բազինների տակ առաջարկում է հասկանալ արձաններ, օրինակ՝ Տիգրան Բ-ի կանգնեցրած բազինները, որոնց զոհեր են մատուցուել եւ երկրպագութիւն արուել: «Իբրեւ առաջին գործ մա կամեցաւ մեհեաններ շինել, Հայաստանի գլխաւոր տաճարներում կանգնեցնում է արձաններ՝ Անիում, Թիլում, Երիզայում, Բագահառիմում, Հաշտից տեղում (իսկ քանի տող ներքեւ հաղորդուում է, որ արձան է դրուում նաեւ Թորդան աւանում – Հ. Յ.): ...Եւ այսպէս մեհեաններ շինելով եւ մեհեանների առաջ բազիններ կանգնեցնելով՝ բոլոր նախարարներին հրամայում է գոհեր մատուցանել եւ երկրպագութիւն անել: Բագրատունեաց ցեղի[ց] մէկի, որ Ասուդ էր կոչւում, (Տիգրանը – Հ. Յ.)*

3 ԱՌԱՔԵԼԵԱՆ Բ., *Բազին, ի Հայկական սովետական հանրագիտարան*, հտ. 2, Երեւան 1976, 198:

4 Գրիգորը «ձորակից ելնելով կանգնեց շինուածքի բարձրաբերձ տեղերին դէմ յանդիման... ուժգին հողմ փչեց հողմը բարձրացաւ, ուռեց լեռան հաւասար եւ եկաւ հարթեց, տապալեց, վայր գցեց **բազինների ամբողջ շինութիւնները**: Այնպէս կործանեց, որ դրանից յետոյ ոչ ոք այդ տեղում չէր կարող որեւէ հետք մշմարել, ո՛չ ֆարի, ո՛չ փայտի, ո՛չ ոսկու, ո՛չ արծաթի եւ բնաւ չէր երեւում, թէ այնտեղ որեւէ բան էր եղել», ԱԳԱԹԱՆԳԵՂՈՍ, *Պատմութիւն Հայոց*, քրգմ. ՏԵՐ-ՂԵՆՈՒՆԴԵԱՆ, Ա., Երեւան 1977, § 813 (Նա «ելեալ ի ձորակէն եկաց յանդիման բարձրաբերձ տեղեացն շինուածոցն... հողմ ուժգին բղխեաց... Եւ երթայր հողմն ուռուցեալ լերին հաւասար, եւ չոգաւ, հարթեաց, տապալեաց, ընկեց զամենայն շինուածսն բազնացն: Եւ այնչափ կորոյս, զի յետ այնորիկ ոչ ինչ ոք յայնմ տեղոջ մշմարանս կարէր գտանել, ո՛չ ֆարի եւ ոչ փայտի, ո՛չ ոսկոյ եւ ոչ արծաթոյ, եւ ոչ բնաւ երեւեր, թէ լեալ ինչ իցէ անդ», *Ազաթանգեղայ Պատմութիւն Հայոց*, աշխտ. ՏԵՐ-ՄԿՐՏՁԵԱՆ, Գ. - ԿԱՆԱՅԵԱՆՑ, Ա., Տփղիս 1909, § 813):

լեզուն կտրեց, որովհետև [սա] անարգել էր արձանները»<sup>5</sup>: Այս դէպքում կարող ենք ենթադրել, որ յիշեալ բազիլները, կամ այլ կերպ ասած՝ պատկերարձանները, գտնուում էին բաց տեղում՝ մեհանների առաջ: Հետեւեալ մեր ենթադրութիւնն այն է, որ յիշեալ պատկերների առաջ պէտք է լինէին զոհասեղաններ, որոնց վրայ էլ պատկերի առաջ զոհեր էին մատուցուելու:

**Գ.- Երրորդ դէպքում, ըստ Բ. Առաքելեանի, բազիլները եղել են զոհարաններ կամ զոհասեղաններ՝ դրուած գերեզմանների վրայ:** Այսպէս, համաձայն Մովսէս Խորենացու, Բարդաժանը «Խր մատեանում» մեհեմական պաշտամունքի վերաբերմամբ պատմում է, թէ Հայոց թագաւոր Տիգրան վերջինը պատուել է իր եղբոր՝ Մաթան քրմապետի գերեզմանը Բագաւանում՝ Բագրեւանդ գաւառում, գերեզմանի վրայ բազին շինելով»: Ընդ որում՝ գերեզմանի վրայ բազին էր շինուած նաեւ այն նպատակով, որ «այդտեղի գոհերից վայելեն բոլոր անցորդները եւ հիւրեր ընդունուեն գիշերելու համար»<sup>6</sup>: Խորենացու այս լրացումը թոյլ է տալիս ենթադրել, որ բազիլների վրայ արւում էին առատ զոհաբերութիւններ, որոնք թոյլ էին տալիս հիւրասիրելու շատերին, իսկ բազիլների հարեւանութեամբ, ի թիւս հնարաւոր այլ կառոյցների, շինուած էին հիւրանոցներ՝ այս անցորդներին կերակրելուց յետոյ օթեւան տալու համար: Գուցէ անցորդներին սպասարկելու այս հին կարգը հասել էր մինչեւ Պապ Թագաւորի օրերը, որն էլ անկելանոց համարուած այս կամ նման կենտրոնները իր հրամանով փակել էր տուել:

**Մենք կարող ենք ընդարձակել այս երրորդ վարկածի գործառնոյթը եւ բազիլնր տարածել ոչ միայն գերեզմանի վրայ չի-**

5 ՄՈՎՍԷՍ ԽՈՐԵՆԱՅԻ, *Հայոց պատմութիւն*, Խմբ., ՄԱԼԽԱՍԵԱՆ, Ս., Երևան 1981, Բ., Ժդ. (Տիգրան «առաջին գործ գմեհեանսն շինել կամեցաւ... եւ այսպէս մեհեման շինեալ, եւ առաջի մեհեմիցն բազինս կանգնեալ, գոհս ամենայն նախարարացն հրամայէ մատուցանել հանդերձ երկրպագութեամբ. գոր չառեալ յանձն արանց Բագրատունեաց. յորոց գմիոյ ուրումն գլեզուն հատեալ, որում անուն էր Ասուդ, վասն պատկերացն անարգանաց՝ ոչ այլ իւրիք խոշտանգէ», *Մովսիսի Խորենացու Պատմութիւն Հայոց*, աշխատութեամբ ԱԲԵՂԵԱՆ, Մ., - ՅԱՐՈՒԹԻՒՆԵԱՆ, Ս., Տփղիս 1913, էջ 127-128):

6 ՄՈՎՍԷՍ ԽՈՐԵՆԱՅԻ, *Հայոց պատմութիւն*, Բ., կգ. (Բարդաժան «պատմէ ի մեհեմիցն պաշտամանց՝ վերջին Տիգրանայ արքայի Հայոց պատուեալ զգերեզման եղբորն իւրոյ Մաթանայ քրմապետի ի Բագնացն անանի, որ ի Բագրեւանդ գաւառի, բազին ի վերայ գերեզմանին շինեալ, զի ի գոհիցն ամենայն անցաւորք վայելեսցեն, եւ ընդունիցին հիւրք երեկոթիւք»):

նուած գոհարանների, այլեւ բոլոր, յամենայն դէպս բացօթեայ գոհասեղանների վրայ: Սրանով հնարաւոր է դառնում քիչ աւելի սեղմել եւ յստակեցնել բազիլների բնորոշումները՝ միաւորելով վերը Առաքելեանի առաջադրած եւ մեր կողմից խմբագրած երկրորդ եւ երրորդ վարկածները:

Դ.– Միւս տուեալների հիման վրայ՝ բազիլն նոյնացւում է սրբարանի, իսկ աւելի ստոյգ՝ կրակարանի հետ: Մասնաւորապէս, սասանեան արքայ Որմիզդ-Արտաշիրը «Մեհեանների պաշտամունքն է՛լ աւելի է զարգացնում, այլեւ հրամայում է անշէ պահել Որմզդական հուրը Բագաւանի քազինի վրայ: Բայց այն արձանները, որ Վաղարշակ շինել տուեց իր մախնիքների պատկերներով, ինչպէս եւ արեգակի եւ լուսնի պատկերներն... Արտաշիրը հրամայում է փշրել»<sup>7</sup>: Սասանեան արքայից արքայի որդի՝ Մեծ Հայքի թագաւոր Որմիզդ-Արտաշիրի վերաբերմունքը Հայոց սրբարանների նկատմամբ, թոյլ է տալիս ենթադրել, որ նրա օրոք, թէկուզ եւ ժամանակաւորապէս, կտրուկ փոխուել են Հայաստանի հին աւանդական պաշտամունքի կարգն ու նրան մասնակից սրբապատկերների կազմը: Հայ աւանդաբար պաշտելի նախնիների եւ աստուածութիւնների խորհրդանշաններին փոխարինում են զրադաշտական խորհրդանիշներ: Այս համատեքստում՝ բազիլնում կանգնեցուած կրակի գոհասեղանն էլ պէտք է լինէր նման՝ բազում օրինակներից յայտնի ատրուշաններին: Սակայն սա բոլորովին չի բացառում նոյն տեղում նախկին հայ հեթանոսական սրբարանում կրակի որեւէ գոհասեղանի գոյութեան հնարաւորութիւնը. հին Հայոց կրօնական համակարգին, ի տարբերութիւն աւելի կտրուկ իրանականից, բնորոշ էին տաճարներ, որոնցում անպայման կանգնեցւում էին տուեալ սրբութեանը նուիրուած կուռքեր, բացի այդ, տաճարներում կամընտրական, ոչ պարտադիր, կարող էր այս կամ այն աստուածութեան պատուին վառուել անշէջ հուրը<sup>8</sup>:

7 ՄՈՎՍԷՍ ԽՈՐԵՆԱՅԻ, Հայոց պատմութիւն, Բ., հէ. (Արտաշիր «եւ գմեհեմիցն պաշտամունս առաւել եւս յորդորէ. այլ եւ գիւրն որմզդական որ ի վերայ քազնին որ ի Բագաւան, անշէ հրամայէ լուցանել: Բայց գանդրիսն, զոր արար Վաղարշակ պատկեր իւրոց մախնեացն հանդերձ արեգակամբ եւ լուսնիւ յԱրմաւիր, եւ փոխեցան յԱրմաւրայ ի Բագաւան եւ դարձեալ յԱրտաշատ՝ զայնոսիկ փշրէ Արտաշիրէ»):

8 ЛЕЛЕКОВ Л. А., К семантике и типологии храмовых сооружений армянского язычества, в Историко-филологический журнал, 1983, № 1, 64.



Կրակարանին առնչուող բազինի այս վարկածն էլ օրինա-  
չափ է խմբագրել՝ բազին հասկացութիւնը տարածելով ոչ միայն  
կրակարանի, այլեւ միւս տեսակի սրբարանների վրայ, քանի որ  
եթէ զոհասեղան-սրբարանի մի տեսակը աղբիւրներում կոչուած  
է բազին, ապա ոչինչ չէր խանգարելու հին հայերին բազին կո-  
չելու նաեւ սրբարանների միւս տեսակները. իսկ որ բազինը  
լայն հասկացութիւն էր, երեւում է գրաւոր աղբիւրների բերած  
տուեալներից<sup>9</sup>: Սա թոյլ է տալիս բազին հասկացութեան տակ  
միաւորելու վերը բերուած երկրորդ, երրորդ եւ չորրորդ վար-  
կածները՝ տուեալ դէպքում աւելի կանոնակարգելով խնդիրը  
համաձայն գրաւոր սկզբնաղբիւրների:

**Ե.- Վերջապէս, բազինը հայագիտութեան մէջ դիտուել է**  
**որպէս կառուցուածքների կամ շինութիւնների խումբ կամ համա-**  
**լիր<sup>10</sup>: Երուանդը նորակառոյց Երուանդաշատից** «հիւսիս, մօտ ֆա-  
ռասուն ասպարէզ հեռու, Ախուրեան գետի վրայ, շինեց մի փոքր  
ֆաղաֆ... եւ կոչեց Բագարան, այսինքն թէ բագիններն այնտեղ են  
սարֆաւորուած<sup>11</sup>, եւ այնտեղ փոխադրեց Արմաւիրում եղած բոլոր  
կոտօքները<sup>12</sup>: Հետաքրքիր է, որ Բագարան անունից Խորենացին  
բխեցնում է շինուածքի գործառնոյթը<sup>13</sup>:

9 Սրբարանների տեսականին, որ ուսումնասիրում է մեր կողմից շուրջ  
երկու տասնամեակ, շատ ընդարձակ է, եւ սա մի առանձին՝ ուշագրաւ  
եւ ծաւալուն նիւթ է, որին այստեղ չենք անդրադառնում: Մասնաւորա-  
պէս սրա մասին տե՛ս ՅԱ.ԿՈՐԵԱՆ, ՀԱՅԿ, Անտիկ Հայաստանի գոհասե-  
ղանները (ըստ Հողմիկի հնավայրի տուեալների), ի Շիրակի պատմա-  
վշակութային ժառանգութիւնը, հանրապետական չորրորդ գիտաժողովի  
գեկուցումների հիմնադրոյթներ, Գիւմրի 2000, 17-18:

10 Ա.ՌԱՔԵԼԵԱՆ, Բ., Բագին, Հայկական սովետական հանրագիտարան, հտ.  
2, 198:

11 Գ. Խ. Սարգսեանն այս հատուածը ուսերէն թարգմանում է որպէս *срой*  
*алтарей* (գոհասեղանների շարք) եւ պատկերը համեմատում նեմրութի  
հելլենիստական սրբարանում բացուած գոհասեղանների շարքերի հետ.  
տե՛ս САРКИСЯН Г. Х., *Обожествление и культ царей и царских предков в*  
*древней Армении.* - Вестник древней истории, 1966, № 2, 8: Սրանց մասին  
աւելի մանրամասն տե՛ս ստորեւ:

12 ՄՈՎՍԷՍ ԽՈՐԵՆԱՅԻ, Հայոց պատմութիւն, Բ., խ. (Երուանդ «այլ հե-  
ռադոյն ի նմանէ իրր ֆառասուն ասպարիսաւ գիւսիսով՝ նման իւրոյ  
ֆաղաֆին շինեաց ֆաղաֆ փոքր ի վերայ գետոյն Ախուրեանայ, եւ անուա-  
նեաց Բագարան, այս ինքն թէ ի նմա գրագնաց յօրինեալ է գկագմու-  
թիւն. եւ փոխեաց անդր գամենայն գկուտան որ յԱրմաւիր: Եւ մեհեանս  
շինեալ՝ գեղրայր իւր գերուագ ֆրմապետ կացուցանէր». *Մովսիսի Խո-  
րենացոյ Պատմութիւն Հայոց*, Բ., խ., 166):

13 САРКИСЯН Г. Х., նշ. աշխ., 10:

Աստուածից բնականաբար բխում է մի կարեւոր հարցադրում: Բազինները արդեօք մեհեաններ<sup>14</sup>ը են, արձաններ<sup>15</sup>ը, զոհարաններ<sup>16</sup>ը, սրբարաններ<sup>17</sup>ը, թէ շինութիւնների համալիր: Վերն արդէն առաջարկեցինք բազին հասկացութեան մի քանի չափորոշիչները՝ «արձան», «գոհարան», «սրբարան», համապատասխան մեկնութիւններով միաւորել զոհասեղանի տեսականու մէջ, քանի որ դրանք իրար ոչ թէ հակասում են, այլ լրացնում:

Հինգերորդ վարկածը՝ շինութիւնների համալիրը, ունի բաւական ընդարձակ ու անորոշ ձեւակերպում՝ իր մէջ կլանելով ցանկացած պաշտամունքային կառոյց, սակայն եթէ այն համարենք միայն վերը դիտուած բազմազան կառոյցների միաւորում, այլ ոչ թէ ցանկացած պաշտամունքային կառոյց, ապա ընդունելի կլինի նաեւ այս բնորոշումը: Երկրորդ, երրորդ եւ չորրորդ բնորոշումները, ի միջի այլոց, կարող են վկայել բազինների կառուցուածքային բազմազանութեան մասին նաեւ մի ընդհանուր կառուցի սահմաններում՝ ակնարկելով զոհարանների համալիրի գոյութեան մասին, մի բան, որ տեսնում ենք հինգերորդ բնորոշման մէջ:

Արդ՝ բաց է մնում առաջին բնորոշման խնդիրը, որ, սակայն, եւս լուծելի է:

Հնագոյն իրանական պանթէոնում մինչեւ Զրադաշտի կրօնական բարեփոխումը գերագոյն աստուածը Միթրան էր, եւ նրա անուններից մէկն էր ռուսերէն՝ «աստուած» կամ «baga»<sup>14</sup>: Սակայն սրանից չի կարելի հետեւեցնել, որ հին հայերը մեհեանի, այսինքն՝ Միհրին կամ մի այլ աստուածութեան նուիրուած տաճարի եւ արձանի (կամ եթէ ընդունենք, որ այն նոյնական է բազինին) միջեւ դնում էին հաւասարութեան նշան: Բազինները ցանկութեան դէպքում կարելի է նոյնացնել տաճարների հետ միայն վերջիններիս սկզբնական բովանդակութիւնն ընդունելու դէպքում: Այն է՝ հնագոյն տաճարները, աւելի ճիշտ, պաշտամունքի վայրերը, եղել են բացօթեայ սրբարաններ<sup>15</sup>: Նոյնը տեսնում ենք նաեւ հին աշխարհի ուրիշ ժողովուրդների, օրինակ՝

14 ДАНДАМАЕВ М. А., ЛУКОНИН В. Г., *Культура и экономика древнего Ирана*, Москва 1980, 325-326.

15 Տաճարների եւ նրանց սերտ առնչուած կոթողների բնականոն զարգացման պատկերը տե՛ս Էւտուսեայ ուսումնասիրութեան մէջ. ՅԱԿՈԲԵԱՆ, ՀԱՅԿ, *Հոգեւոր հաստատութիւնների յորինուածքը Հայաստանում (Հնագոյն ժամանակներից մինչեւ անտիկ դարաշրջանը)*, ի «Էջմիածին», 2012, ԺԱ., 33-52:

առաւել լաւ փաստագրուած քաղզէացիներէ եւ յոյներէ պաշտամունքային հնագոյն կառոյցներում: Այս ոգով է մեկնաբանուում Կիկերոնի հետեւեալ հաղորդումը: Աքեմենեան արքայ Քսերքսէսը հէնց պարսից մոգերի խորհուրդը հաշուի առնելով էր այրում յունական տաճարները, քանի որ մոգերը կարծում էին, թէ ամբողջ աշխարհը մի տաճար է, եւ մեղք է աստուածներին փակել տաճարների պատերի ետեւում<sup>16</sup>: Նման մտայնութիւն պարսից կրօնական հաստատութիւնների մասին կարելի է տեսնել գրաւոր աղբիւրներում՝ սկսած Հերոդոտոսից, սակայն, իրականում, բացօթեայ սրբարաններից բացի իրանում, ինչպէս եւ Հայաստանում, առկայ էին եւ փաստագրուած են նաեւ տաճարական շինութիւններ:

Ալիշանը սրանց անհրաժեշտութիւնը բացատրում է առնուազն հետեւեալ պատճառով: Տաճար հասկացութիւնը «հաւանօրէն գուգակից է պարսկերէն թեմեր բառին, որ նշանակում է *մեռնատուն*: Եւ բնական է հետեւեցնելը, քանի որ ամբար, մանաւանդ հայոց երկրի պէս ձիւնապատ վայրում պաշտամունք կատարել հնարաւոր չէր, անհրաժեշտ էր ծածկուած ու կառուցուած մի տեղ, եւ ահա սա կարող էր լինել տաճարը... Մեր հին նախնիների պաշտամունքարանի աւելի յատուկ անուն է թւում *մեհեանը*»<sup>17</sup>:

Հայաստանի առնչութեամբ էլ դասական հայագիտութիւնը, յանձին Հ. Ղեւոնդ Ալիշանի, նկատել է հետեւեալը. հայերն ունեցել են պաշտամունքաբաններ. դրանք «յայտնի կամ հասարակական վայր»եր են, «որտեղ աղօթքով, պատարագով, գոհաբերութեամբ ու պէսպէս արարողութիւններով կամ ծեսերով կատարում է պաշտամունք... նախահայրերը առաջներում (եթէ աղօթքները կատարում էին իրենց տան մէջ) զգալի եւ տեսանելի պաշտամունքը կատարում էին անշէն, բաց տեղերում, դա լինէր իրենց ագարակն ու դաշտը, բարձրիկ մի վայր, թէ ծառոտ տեղեր, անտառներ եւ մայրիների պուրակ»<sup>18</sup>:

Անշուշտ, որքան էլ արժէքաւոր են վերոյիշեալ գրաւոր աղբիւրները, նրանք ի վիճակի չեն սպառիչ լուսաբանել բազին հասկացութեան արտաքին տեսքն ու բովանդակութիւնը: Նախ, հին Հայաստանին վերաբերող պաշտամունքային եզրոյթները, որոնք վերաբերում են չէնքերին, ընդհանրապէս կառոյցներին,

16 CICERO, *Leg.*, II, 26; CICERO, *De republ.*, III, 9, 14.

17 Ա.ԼԻՇԱՆ, Հ. Ղ., *Հայոց հին հաւատքը*, 62. աշխ., 214:

18 Անդ., 213:

ծէսերին եւ պաշտամունքային պիտոյքներին, հիմնականում հայաստանեան հողի վրայ ձեւափոխուած փոխառութիւններ են եւ ունեն մի մեծ թերութիւն՝ թոյլ չեն տալիս տեսնել ժամանակագրական խորութիւնը<sup>19</sup>: Մինչդեռ այս նիւթին հնարաւոր է աւելի մօտենալ գրաւոր, հնագիտական եւ այլ կարգի սկզբնաղբիւրների համադրութեան շնորհիւ: Խնդիրը գրաւոր սկզբնաղբիւրների ոլորտից հնագիտական տուեալների հարթութիւն տանելով՝ կարելի է գտնել վերոյիշեալ բնորոշումների մեծ մասի համար համապատասխանութիւններ:

Պարզաբանենք նաեւ, որ իրանական եզրոյթների հետեւում յաճախ կանգնած են բաւական ինքնուրոյն զարգացում ապրած շինութիւններ, եւ այն ժամանակ, երբ հին հայերը դրանք կիրառում էին, այդպիսի անուններով սրանք բուն իրանական աղբիւրներում յայտնի չեն<sup>20</sup>:

Կոմմագենէի պաշտամունքային յուշարձանները, ցուցաբերելով զարմանալի բազմազանութիւն, թոյլ են տալիս տեսնել բազիններին տրուած վերոյիշեալ բնորոշումների հիանալի օրինակներ: Մասնաւորապէս մի շարք յուշարձաններում, առանձին կանգնած սեան վրայ բարձրացուած են առիւծի, ցլի, արծուի արձան կամ մարդակերպ պատկերներով բարձրաքանդակներ, իսկ գոյգ սիւների գագաթին՝ բարաւորի վրայ, դրուած են գահին բազմած արքայի եւ թագուհու ծաւալային արձանները: Նշուած բոլոր օրինակներն էլ համարժէք են Բ. Առաքելեանի վերոյիշեալ երկրորդ բնորոշմանը<sup>21</sup>: Այս արձանների պարզագոյն նախատիպերը Հայկական լեռնաշխարհում ամէնուր տարածուած մենհիրներն ու ձկնանման վիշապներն են:

Երրորդ բնորոշմանը յարիր՝ գերեզմանների վրայ դրուած զոհարանների կամ զոհասեղանների մեծ բազմազանութիւն է դի-

19 Օրինակ՝ դժուար է ասել, թէ հելլենիստական Հայաստանում՝ աւելի ուշ, Արշակունի շրջանից յայտնի բազին եզրոյթը գոյութիւն ունէ՞ր, թէ նրան նախորդել է մի այլ հասկացութիւն. այդուհանդերձ, քաղը ծանօթ էր հայերին նաեւ հելլենիստական ժամանակ, յամենայն դէպս, *թէոֆորիկ* անուններից յայտնի լինելով. յայտնի է Տիգրան Մեծի կուսակալը Ասորիքում՝ Բգադատեսը: Նոյն բազ տերմինը, կրկին *թէոֆորիկ* տեսքով, յայտնի էր նաեւ ուրարտական դարաշրջանում՝ համաձայն սեպագիր աղբիւրների:

20 ЛЕЛЕКОВ, Л. А., ևշ. աշխ., 58-59:

21 HUMANN, K. – PUCHSTEIN, O., *Reisen in Kleinasien und Nordsyrien*, Album, Berlin 1890; ШУЛОМБЕРЖЕ, Д., *Эллинизированный Восток*, Москва 1985, 47.

տուած նոյն Կոմագենէիում, մասնաւորապէս՝ Նեմրուժ լեռան նշանաւոր սրբարանում: Յուշարձանի այս ուրոյն տեսակը, որն իր մէջ միաւորում է դամբարանը եւ բացօթեայ սրբարանը, բլրի լանջերին կառուցած արեւելեան եւ արեւմտեան հարթակների գրեթէ նման կառոյցներում ունի խոշոր քարէ սեղաններ եւ թափուր գահ յիշեցնող զոհասեղանների շարք, որոնց վրայ կատարւում էին զոհաբերութիւններ: Այստեղ երկրպագւում էին գլխաւոր աստուածները՝ Զեւս-Օրոմազդը, Կոմագենէ-Անահիտը, Ապոլլոն-Միթրա-Հելիոս-Հերմէսը, Արտագնէս-Հերակլեսը եւ աստուածացուած թագաւոր Անտիոքոս Ա. Կոմագենեցին: Մահկանացուների եւ աստուածների միջեւ կապող օղակ էին հերոս նախնիները, որոնց բարձրաքանդակները՝ երկու յիշեալ հարթակների հիւսիսային եւ հարաւային եզրերին, մօտ մէկուկէս տասնեակ իւրաքանչիւր շարքում, կանգնեցուած են խորանարդաձեւ զոհասեղանապատուանդանների վրայ: Նրանց եւս պարբերաբար մատուցւում էին զոհեր եւ ընծաներ:

Նկատուած է, որ Մեծ Հայքի եւ Կոմագենէի սրբավայրերում աստուածներին նախատեսուել են ծաւալային քանդակներ՝ «պատկերք», իսկ թագաւորական տան մեռած նախնիներին՝ բարձրաքանդակներ՝ «կուռք»<sup>22</sup>: Այս բեւեռացումը վերանում է այն կոթողներում, որոնցում աստուածութիւնը ձեռք է սեղմում արքային: Իսկ շատ օրինակներում էլ Գ. Սարգսեանի նկատած կանոնը պարզապէս չի գործում, քանի որ արքաներին հելլենիստական աշխարհում ընդունուած էր աստուածացնել, հետեւաբար՝ նրանց փոխանցելով աստուածային նշաններ եւ պատկերազրկան կանոններ: Սրա մասին են վկայում Ծոփք-Կոմագենէի տարածաշրջանի արքայական ծաւալային քանդակները, որոնցից ամենախոշորը Սամէսի արձանն է Եփրատեան Արսամէիայում, ինչպէս նաեւ մեզ հասած Տիգրան Մեծի երբեմնի վիթխարի արձանը<sup>23</sup>:

22 САРКИСЯН, Г. X., 62. աշխ., 12:

23 ԺԹ. դարի վաթսունական բուականների վերջում Արեւմտեան Հայաստանում յայտնաբերուել էր Տիգրան Մեծի պատկերաքանդակով եւ ծաւալուն արձանագրութեամբ մի կոթող, որ Բրիտանական թանգարան էր ուղարկուելու Տրապիզոնում բրիտանական հիւպատոսի կողմից, բայց տեղի իշխանութիւնները կանխամտածուած խոչընդոտում էին հայ մշակոյթի այս նմուշի հրապարակմանը: Կոթողի ցակատագիրը այդպէս էլ անյայտ է. տե՛ս «Биржевые ведомости» (25 апреля 1869); ՄՈՎՍԻՍԵԱՆ, Ա., Տիգրան Մեծից մեզ հասած գրաւոր ժառանգութեան շուրջ, ի նա-

Զորքորդ ընտրողները՝ սրբաբաններին, համապատասխանում է նոյն Նեմրուժ լեռան արեւելեան հարթակի արեւելեան եզրին բարձրացուած աստիճանաձեւ բուրգը. սրբազան առիւծի եւ արծուի պահապան գոյգի քանդակներով եզերուած այս կառույցի գագաթին՝ քառակուսի հարթակի կենտրոնում, դրուած է կրակի զոհասեղանը:

Արեւելեան Հայաստանի տարածքում բազմաթիւ են սիւնանման արծուաքիթ կուռքերը: Հոգմիկից գտնուած են ողորկ ճակատով կամ բարձիկների բաժանուած մակերեսով բրգաձեւ կոթողներ<sup>24</sup>, իսկ նոյն հնավայրից յայտնի՝ կողի վրայ դրուած սալզոհարանի վրայ քանդակուած է արեւի խորհրդանշանը, որի առջ գոհեր էին մատուցուում<sup>25</sup>: Սրանք մանրամասներ են, որոնք վերաբերում են հին Հայաստանի սրբաբաններին:

Խնդրի լուսաբանման համար ուրոյն նշանակութիւն ունեն հին Արմաւիրի միջնաբերդում բացուած կառույցները: Բլրի գագաթին շարունակուած են աշտարակաձեւ կոթողային տաճարական շինութեան պեղումները<sup>26</sup>: Նրանից անմիջապէս դէպի հիւսիս, յաջորդ՝ աւելի ցածրադիր հարթակի վրայ, որի հիւսիսային կողմն ընդգծուած է արեւելքից արեւմուտք ձգուող եզրով, տարածուած է յաջորդ հսկայական շինութիւնը: Բացօթեայ այս համալիրը փորուած է թեքութեամբ դէպի ներքեւ՝ հիւսիս իջնող բնական ժայռի մէջ, եւ նրա արեւելեան, արեւմտեան ու աշտարակաձեւ տաճարին հարեւանող հարաւային պատերն ընկղմուած

Խամաշտոցեան Հայաստանի գրային համակարգերը, Երեւան 2003, 113-118, ծնթ. 10: ՅԱԿՈԲԵԱՆ, Հ., Տիգրան Մեծ, Երեւան 2005, 55, ծնթ. 67:

24 ՅԱԿՈԲԵԱՆ, Հ., Վաղ իսախարերի մի քնորոշ դասի մօտակայ նախատիպերի մասին, ի Հայոց պատմութեանն ու մշակոյթին նուիրուած հանրապետական կոնֆերանս, նուիրուած Ալեք Մանուկեանին, գեկուցումների հիմնադրոյթներ, Երեւան, ՀՊՊԹ, 1997, 18-20:

25 ՅԱԿՈԲԵԱՆ, Հ., Նշանագրուած սալ Հոգմիկից, ի Շիրակի պատմամշակութային ժառանգութիւնը, հանրապետական երրորդ գիտաժողով, գեկուցումների հիմնադրոյթներ, Գիւմրի 1998, 27-28: ՅԱԿՈԲԵԱՆ, Հ., Հոգմիկի անտիկ տաճարական համալիրի՝ 2006 թ. պեղումների արդիւնքները, ի Հին Հայաստանի մշակոյթը. XIV, նիւթեր հանրապետական գիտական նստաշրջանի, Երեւան 2008, 215 եւ աղ. V. 2:

26 Հրապարակուած վերջին արդիւնքների մասին տե՛ս ԿԱՐԱՊԵՏԵԱՆ, Ի., ԿԱՆԵՑԵԱՆ, Ա., Արմաւիրի 2002 եւ 2005 թթ. պեղումները, ի Հին Հայաստանի մշակոյթը. XIV, նիւթեր հանրապետական գիտական նստաշրջանի, Երեւան 2008, 161-167:

*են ուղղահայեաց տաշուած ժայռի մէջ: Պայմանական «փառակկու»ով շինութիւն կոչուած այս կառոյցի կենտրոնում՝ արեւելք-արեւմուտք առանցքի վրայ, միմեանցից ոչ հեռու վեր են խոյանում երկու հզօր մոյթեր, որոնք բարձրանում են բնական ժայռաբեկորի տեսքով: Տաշուած այս սիւներից արեւմտեանը աւելինեղ է եւ հարաւային կողմից հիմքի մօտ ստացել է քարերով չարուած ուղղանկիւն հարթակ կամ սեղան»<sup>27</sup>: Բլրի ամենաբարձր*

- 27 Այս համալիրին տուած Գ. Տիրացեանի և Ի. Կարապետեանի նկարագրութիւնները յոյժ արժեքաւոր են քննուող խնդրի համար, ուստի դրանք յղում ենք գրեթէ ամբողջութեամբ: Արմաւիրի միջնաբերդի «հիւսիսային մասում շարունակուել է բացուել բլրի գագաթին տեղադրուած տաճարային շէնքի յենապատը: Յենապատի բացուած հատուածի ընդհանուր երկարութիւնը կազմում է 10 մ ... յենապատի վերելի մասը բաղկացած է երկու կանոնաւոր շարքերից, որոնք նստած են բնական ժայռի վրայ... Այստեղ պատից մօտ 2,30 մ հեռաւորութեան վրայ բացուել է ուղղանկիւնի մի հարթակ (չափերը 3 x 3,40), որն իր հիւսիսային մասում անմիջականօրէն կպած է բնական մի ժայռաբեկորի: Հարթակը քարաշէն է, որի պատերը դրսից սուաղուած են կրային նիւթով: Հարթակի և նրանից արեւելք մօտ 3,50 մ հեռաւորութեան վրայ գտնուող մի այլ ժայռաբեկորի միջեւ բացուած է միջանցք կամ սենեակ... Այստեղ գտնուած հնագիտական նիւթը գերազանցապէս ուրարտական է... Գտնուել են նաեւ հելլենիստական ժամանակաշրջանի բեկորներ... Ոսկրաբանական նիւթի մէջ գերակշռում են մանր եղջերաւոր անասունների ոսկորները, կարելոր նշանակութիւն ունի հարթակի մօտ գրտնուած քարէ փոքր կուռքը, որն ընդգծում է հարթակի պաշտամունքային բնոյթը: Նման պաշտամունքային նշանակութեան հարթակներ հանդիպում են ուրարտական և ասորեստանեան տաճարների շրջապատում (Փառակկու)» (ՏԻՐԱՅԵԱՆ, Գ. Ա. – ԿԱՐԱՊԵՏԵԱՆ, Ի. Ա., *Արմաւիրի պեղումները, ի Հայաստանի Հանրապետութիւնում 1989-1990 թթ. դաշտային հնագիտական աշխատանքների արդիւնքներին նուիրուած գիտական նստաշրջան, զեկուցումների թեզիսներ*, Երեւան 1991, 77-78): Ապա հեղինակները աւելացնում են՝ «հիւսիսային թւում աշխատանքներ տարուեցին № 29, 32, 35 ֆառակուսիներում: Պարզուեց, որ ուշ ուրարտական ժամանակաշրջանում վերակառուցումներով այստեղ կազմակերպուել է մի տարածք, որին հարաւային պատ է ծառայել տաճարային շէնքի 10-մետրանոց յենապատը. արեւմտեան պատը հանդիսացել է յենապատի մեծ որմնայեցից հիւսիսային լանջով ձգուող մի շատ լայն պատ, որի կառուցման ժամանակ փակուել է № 25 սենեակի մուտքը: Հիւսիսային պատը հաւանաբար դրուած է եղել յենապատին՝ 8 մ հեռաւորութեամբ գուգահեռ ձգուող ժայռի վրայ, որը կրում է մշակման պարզորոշ հետքեր: Որպէս արեւելեան պատ է ծառայեցուել այստեղ վեր բարձրացող խրամաժայռը, որն այդ նպատակով տաշուել է և ծեփուել: Ծեփածոյ և սպիտակ կրաքարով սպիտակեցուած են եղել ողջ

*կէտում կանգնեցուած ուշագրաւ տաճարական կառույցին հարե-  
ւանող բացօթեայ այս շինութիւնը գուգահեռներ ունի անտիկ  
Միջագետքի տաճարական համալիրներում, իսկ յիշեալ երկու  
մոյթերը Միջագետքում նուիրուած են զոյգ աստուածութիւննե-  
րի՝ Ապոլլոնին եւ Աֆրոդիտէին: Հնարաւոր է՝ անտիկ դարաշըր-  
ջանում նման սինկրետիկ իմաստաւորում ունէր նաեւ Արմաւիրի  
«փառակկուն»:*

*Տուեալ դէպքում այս կառույցը մեզ հետաքրքրում է քննը-  
ւող թեմայի առնչութեամբ, եւ կարելի է ենթադրել, որ հրապա-  
րակն իր մոյթերով եւ զոհաբերութիւնների մնացորդներով, օրի-  
նակ՝ ցլիկի կաւէ պտեակով հանդերձ, ներկայացնում է բազինի  
տեսակներից մէկը:*

*Ոչ պակաս արժէքաւոր են շօշափուող թեմայի համար հին  
Արմաւիրի միջնաբերդի արեւելեան լանջի ուսումնասիրութիւն-*

---

շինութեան պատերը եւ յատակը, ներառեալ շինութեան կենտրոնում  
բարձրացող եռաստիճան հարթակ «փառակկուն» (3,5 x 3,5 մ չափերով,  
աստիճանների 1,9 x 1,5 մ լայնութեամբ): Շինութեան պելման ժամա-  
նակ գտնուած հնագիտական նիւթերը՝ խնկարկման անօթները, դրոշմ-  
ներ կրող «գարեջրի» հաստապատ կոնքերի, կարասների րեկորներ, ա-  
ռատ ոսկրաքանական մնացորդներ եւ վերջապէս «փառակկուն» արեւե-  
լեան ստորոտի մօտ յայտնաբերուած բազալտէ կուոֆ, քոյլ եւ տալիս  
ասել, որ բացուած շինութիւնը ունեցել է պաշտամունքային գործա-  
ռոյթ... Այս շինութեան... արեւելեան պատ հանդիսացող հիմնաժայռի  
եւ յենապատի միջեւ բացուեց 2,3 մ լայնութեամբ եւ 3,6 մ երկարու-  
թեամբ մի հատուած: Յենապատը այստեղ ետ է փաշուած, որի առջեւ  
կանգնեցուել է արեւմուտփեց-արեւելք ձգուող 0,8 մ հաստութեամբ մի  
պատ, որն ունի 0,5 մ բարձրութիւն: Պատը, այստեղ առաջացած 1,5 մ  
լայնութեամբ տարածքը հիմնաժայռի հետ միասին ծեփուած, սուա-  
ղուած է լաւ հունցած մանրահատիկ կաւով: Ողջ տարածքը կրում է կը-  
րակի, մրի, մոխրի հետքեր, որոնց մէջ եւ կենդանիների ոսկորներ: Ծե-  
փածոյ տարածքի կենտրոնում բացուեց մի հոր (տրամ. 1,3 մ), որի  
շուրթերը եւս ծեփածոյ էին: Հորից գտնուած խցեղէնի, քրծակաւային  
արձանիկի պատուանդանի րեկորները վերաբերում են հելլենիստական  
մշակույթին... այս ծեփածոյ տարածքը, եթէ նոյնիսկ կառուցապատուած  
լինի «փառակկուն» ընդգրկող (ուրարտական դարաշրջանի – Չ. Յ.) սըր-  
բարանի հետ, օգտագործուել է նաեւ ետուրարտական եւ հելլենիստա-  
կան ժամանակաշրջանում դարձեալ պաշտամունքային նպատակով» (ՏԻ-  
ՐԱՅԵԱՆ, Գ. Ա. – ԿԱՐԱՊԵՏԵԱՆ, Ի. Ա., *Արմաւիրի պեղումները (1991-  
1992 թթ.)*, ի Հայաստանի Հանրապետութիւնում 1991-1992 թթ. Դաշտա-  
յին հնագիտական աշխատանքների արդյունքներին նուիրուած գիտական  
նստաշրջան, գեկուցումների քեզիսներ, Նրեւան 1994, 29-30):



*ները: Այստեղ լանջն ի վեր բարձրացուած են պաշտամունքային կառոյցներ, որոնք «եզրափակուում են արեւելեան լանջի գագաթին վեր ցցուած ժայռի մէջ փորուած սենեակատիպ տարածքով (3,60 x 3,20 մ): Վերջինիս հիւսիսային եւ հարաւային կողմերում ժայռը տաշուած է երկաստիճան պատուանդանի ձեւով (երկ. 3,60 մ, լայն. 1,0 մ, բարձր. 1,802,0 մ): Տարածքի արեւմտեան կողմի ժայռի փորուածքը ցածր է՝ ընդամենը 1520 սմ, իսկ արեւելեան կողմի բարձրութիւնը հասնում է 1 մետրի: Այս տարածքի կենտրոնական մասում բացուեց ժայռի նեղ՝ արեւել-արեւմուտ՝ ձգուածութեամբ, որի եզրերը եռաստիճան է ընթերցւում (երկ. 3,0 մ, լայն. 0,6 մ): Նախնական եզրայանգմամբ՝ հաւանաբար յայտնաբերուել է ժայռակոփ, բացօթեայ տաճար, որի պատուանդաններին կանգնած են եղել արձաններ (Միւր եւ Անահիտ), որոնք ողջ լանջի հետ ծառայել են Արմաւիրում իրականացուող պաշտամունքի ծեսերին եւ արարողութիւններին»<sup>28</sup>:*

*Բերուած քաղուածքում կրկին տեսնում ենք բացօթեայ՝ զոհասեղաններով կառուցապատուած շինութիւն, որ համապատասխանում է բազիլիկների առաջագրած պահանջներին»<sup>29</sup>:*

*Ժայռափոր արկղների շարք է բացուած մեր կողմից Օհանաւանի մօտ: Ոչ պակաս ուշագրաւ են Զիզիքարի եւ Ելփինի ժայռափոր հարթակների գիւտերը: Դրանցից առաջինը գտնուում է Բիւրականից 1,5 կմ դէպի հիւսիս-արեւելք՝ ձորակի մէջ: 5 մ բարձրութիւն եւ նոյնքան լայնութիւն ունեցող մշակուած տուֆէ ժայռը հիւսիսային կողմի մէջ ունի եօթ կոր աստիճաններ եւ նրանց երկու կողմերում առկայ հարթեցուած ուղղահայեաց մա-*

28 ԿԱՐԱՊԵՏԵԱՆ, Ի. – ԽԱԶԱՏՐԵԱՆ, Ժ. – ԿԱՆԵՑԵԱՆ, Ա. – ՂԱՖԱԴԱՐԵԱՆ Գ., *Արմաւիրի 1996 թ. աշխատանքների արդիւնները*, ի Հայկական Բաղադրութիւնը հնագոյն ժամանակներից մինչեւ Բրիտանիայում ընդունումը, *գիտաժողովի սեղմագրեր*, Երեւան 2000, 25: Հմմտ՝ КАРАПЕТАН И.- ХАЧАТРЯН Ж.- КАНЕЦЯН А, *Догрунтский Армавир (III – начало I тыс. до н. э.)*, в *Историко-филологический журнал*, 2004, № 2, 254-275.

29 Հայաստանում եղել են տասնեակ հեկտարներ գրաւող բացօթեայ ժայռափոր համալիրներ, որոնք, եթէ անգամ հիմնադրուած են Բրոնզի դարում, ապա գործել են մաւել յետագայում՝ ընդհուպ մինչեւ անտիկ դարաշրջանի աւարտը: Սրանցից են Աշտարակի մօտ՝ Ագարակի համալիրը, Շիրակում Գիւլիքուլաղի համալիրը: Սրանց ուսումնասիրութիւնը նոր է սկսուած, եւ հնարաւոր վերաբերմունքը բազիլիկներին դեռ կարօտ է գիտական լուրջ պրպտումների:

կերեսներ. այս աստիճաններից վերինը, գրեթե ուղիղ անկեան տակ բեկուկելով դէպի արեւելք, սկիզբ է դնում չորս լայն աստիճանների, որոնք տանում են դէպի ժայռի վերնամասը: Այն մշակուած է ուղղանկիւն հարթակի տեսքով (երկ.  $1,37 \times 1,25$  մ մակերեսով եւ 15 սմ բարձրութեամբ), որի վրայ, ինչպէս եւ որոշ աստիճանների մակերեսին, փորուած են պնակներ<sup>30</sup>:

Ելիինի զոհարանը մենք յայտնաբերել ենք 1985ին հետախուզական աշխատանքների ժամանակ: Գիւղի եզրին ձգուող բարձր ու երկարուկ բլրի հարաւային ծայրին, ներքեւից դէպի գազաթ թեք լանջի մէջ փորուած են աստիճաններ, որոնք տանում են դէպի մօտ 5 մետր կողմեր ունեցող հարթակը՝ փորուած ժայռի մէջ այնպէս, որ երկու կողմերից՝ աստիճանի դիմաց եւ ձախից, այն շրջապատուած է կողերով, իսկ աջ կողմում հարեւանում է քարայրի, որի եռանկիւնաձեւ բացուածքը հիմքի մօտ երկու կողմերից մշակուած է կրկնակի շրջանակների տեսքով: Մուտքից ներս մի բաւական ընդարձակ սենեակ է՝ պատերին եւ առաստաղին մշակման հետքերով:

Մի ուշագրաւ ժայռակերտ սրբարան էլ յայտնաբերել է Հայկաձորի արշաւախումբը: Բնական ժայռի հարաւարեւելեան մասը տաշուել եւ վեր է ածուել խորանարդի՝ արեւելքից կից ցածր սեղանով հանդերձ: Ժայռի մնացած մասը հիւսիսային եւ արեւմտեան կողմից թողնուած է տձեւ՝ բնական տեսքով: Խորանարդի հիմքը բարձր պատուանդանն է, որի վրայ դէպի վեր են ելնում երեք բարձր աստիճաններ: Պատուանդանով հանդերձ՝ խորանարդի ընդհանուր բարձրութիւնը եւ լայնութիւնը մօտ 1,5ական մետր է: Այս զոհասեղանի հարթեցուած գազաթի կենտրոնում փորուած է պնականման փոս<sup>31</sup>:

Վերջին հինգ տարիներին խնդրի լուծմանը զգալի նպաստում է Հոգմիկի անտիկ հնավայրում բացուած եւ պայմանական «արեւմտեան» կոչուած համալիրը: Այն իր մէջ ներառում է գրե-

30 ԳԵՈՐԳԵԱՆ, Ա. Յ. – ՊԵՏՐՈՍԵԱՆ, Լ. Ա., Բիւրականի հնագոյն պաշտամունքային յուշարձանը, ի Հնագիտական աշխատանքները Հայաստանի նորակառոյցներում (1986-1987 թթ. պեղումների արդիւնքները), I, Երեւան 1993, 20-25, աղ. XX:

31 Խորին երախտագիտութիւն եմք յայտնում Հայկաձորի զոհասեղանի մասին հանգամանալի տեղեկութիւններ յայտնելու եւ յատկանշական լուսանկարներ մեզ փոխանցելու համար հնագէտներ Լարիսա Եգանեանին եւ Համազասպ Խաչատրեանին:

Թէ՛ բոլոր վերոյիշեալ բնորոշումները՝ բացի գերեզմանի վրայ կանգնեցուած գոհասեղանից, որ գուցէ հնարաւոր լինի յայտնաբերել յետազայում: Թէ՛եւ «արեւմտեան» համալիրի պեղումները դեռեւս չեն աւարտուած, սակայն հիմնականում բացայայտուած են նրա գլխաւոր առանձնայատկութիւնները, ընդհանուր յօրինուածքը եւ, որ շատ կարեւոր է մեր թեմայի համար, նրա կառուցապատման յաջորդականութիւնը:

Նախապէս բաց տեղանքում կանգնեցուել է մօտ 4 մետր երկարութեամբ, 2,5 մետր լայնութեամբ եւ մօտ 1,5 մետր բարձրութեամբ մի կանոնաւոր ուղղանկիւն պատուանդան: Նրա չորս անկիւնները շարուած են խնամքով տաշուած բազալտէ ուղղանկիւն վէմերով, հարթակը բոլոր կողմերից ունի հարթ ճակատներ: Ն.Փ. Ա. դարում կանգնեցուած հարթակի շուրջ յաջորդ շինարարական փուլում հարաւից, արեւելեան եւ արեւմտեան կողմերից կառուցուել է աւելի քան 180 մ բարձր հզօր պարիսպ յիշեցնող հաստահեղոյս մի պատ: Ապա, հարթակի եւ պարսպի արեւելեան թեւի միջեւ եղած ազատ տարածութիւնը զբաղեցուել է երկու կից քարարկղներով: Յաջորդ փուլում հարթակի եւ նրան կից քարարկղների կանոնաւոր ուղղանկիւն կառույցը հիւսիսային ճակատից ընդարձակուել է գրեթէ 5 մ: Այս աւելի ընդարձակ շինութեան կենտրոնում թողնուած ուղղանկիւն բացուածքում գետեղուել է խոշոր մի արկղ՝ բոլոր կողմերից ընդգծուած քարէ եզրերով: Նրա արեւելեան կողմից առանձնացուել է մի նեղ գետեղարան: Ընդ որում՝ բոլոր քարարկղներում բացուել են կենդանիների մնացորդներ:

Յաջորդ փուլում՝ ստացուած գոհասեղան-հարթակի երկայնական արեւմտեան պատը շարունակուել է դէպի հիւսիս: Յըստակ երեւում է պարսպի հարաւային եւ հիւսիսային՝ նոր կէսերի միացման տեղը: Հարթակի առաջ գոյացած հրապարակը միաժամանակ հիւսիսից սահմանափակուել է պարսպի մի ուրիշ վիթխարի թեւով: Ծիսական արարողութիւններն ընթացել են հարթակից հարաւ՝ սահմանափակ վայրում, եւ հարթակի հիւսիսային կողմում՝ ներքին բակի վերածուած ընդարձակ հրապարակում: Յաջորդ քայլը եղել է հարթակը դէպի հիւսիս մի անգամ եւս, այս դէպքում՝ աւելի քան երեք մետրով ընդարձակելը:

Այս հատուածի պեղումներից պարզուել է, որ տոփանուած յատակի վրայ փռուել է հենք (սուքստրուկցիա)՝ աւազի, խճի եւ կաւի բարակ շերտ, որի վրայ դրուել են մեծ քարերը՝ հարթ ճակատներով դէպի դուրս: Ապա այս ճակատներից ներս միջա-

կայքը լցուել է քարերով ու կաւի զանգուածով՝ կազմելով մի ամուր ու բարձր հորիզոնական հարթութիւն:

Ստեղծուած ընդարձակ հարթակի կենտրոնական մասն այլեւս մատչելի չէր ճակատների առաջ կանգնող սպասաւորներին. այս պատճառով վերջին յաւելուածի արեւելեան ճակատին, քիչ ներս ընկած մասում կառուցուել է աստիճան, որով հեշտութեամբ կարելի էր բարձրանալ հարթակի վրայ: Նրա հիւսիսային կողմի հրապարակում մոխրի թանձր շերտի մէջ գտնուած կենդանիների մնացորդները, շարժական կրակարանները, քրեղաններն ու թասերը, քառակուսի պատուանդանով քարէ կուռքը այստեղ իրականացուած ծէսերի վկայութիւնն են:

Հաւանաբար, համալիրի հիւսիսային պարիսպը կառուցելիս, նոյն փուլում նրան հարաւային ճակատից կցուել է մի ընդարձակ շինութիւն: Այն ունի գրեթէ 14 մետր երկարութիւն, 3,55 մետր լայնութիւն: Այն իր չափերով հապէս տարբերում է յիշեալ պարսպի թեւերից: Այս հսկայական զանգուածի կենտրոնում՝ հարեւան կառույցների համեմատութեամբ բաւական բարձր մակարդակի վրայ, բացուել է մայր հողի շերտը եւ նրան աւելացուած կաւի լիցքը: Զանգուածը բոլոր կողմերից երեսապատուած է խոշոր քարերով: Նրա մակերեւոյթին բացուած են խոշոր եւ մանր եղջերաւոր կենդանիների, ձիերի բազմաթիւ մնացորդներ:

Ինչով էր պայմանաւորուած զոհասեղան-հարթակը եւ նրա առաջ տարածուող հրապարակը պարսպանման զանգուածով շրջապատելը, միանշանակ դժուար է որոշել: Բացի պաշտպանական նպատակից, որն այստեղ եթէ առկայ էր, ապա երկրորդական նշանակութիւն է ունեցել, պարիսպը համալիրին հաղորդում էր վիթխարիութիւն:

Համալիրի արեւելեան զանգուածեղ յաւելման նշանակութիւնը եւս առայժմ ամբողջովին պարզ չէ, քանի դեռ չեն աւարտուած պեղումները նրանից արեւելք եւ հիւսիս: Նրա մէջ հիւսիս-արեւելեան կողմից բացուած քարի երեք շարք աստիճանները թոյլ են տալիս ենթադրել, որ 3,55 մետր լայնութեամբ այս զանգուածը եւս ծառայել է որպէս սրբազան հարթակ: Հին Յունաստանից յայտնի՝ հարիւրի հասնող ցլերի միաժամանակ կատարուող զոհաբերութիւնները կարելի էր իրականացնել հէնց նման կառույցի վրայ: Իսկ Հայաստանում կենդանիների այսպիսի զանգուածային զոհաբերութեան հնարաւորութիւնը, յատկապէս պետականօրէն նշուող արարողութիւնների ժամանակ, որոնց ներ-

կայ էին արքան, գերագույն քուրմը եւ բազմաթիւ նախարարներ, լիովին իրատեսական է<sup>32</sup>:

Մինչդեռ համալիրի հարաւային եզրին կառուցուել են սենեակներ, որոնց հիւսիսահայեաց մուտքերն արդէն որոշակի երեւում են: Յիշեալ 3,55 մետր լայնութեամբ կառույցից արեւելք բացուում է մի այլ հրապարակ, որ ժամանակի ընթացքում կառուցապատուել եւ խիստ սահմանափակուել է:

Նկարագրուած ընդարձակ կառույցը՝ գերազանցապէս բացօթեայ շինութիւններով, դիցուք՝ սրբազան հարթակներով, զոհասեղաններով, զոհաբերուած կենդանիներով, կուռքերով, լիովին համապատասխանում է հայագիտութեան մէջ գրաւոր աղբիւրներից վկայուած բազիլներին: Աւելին, այն ուրիշ յուշարձանների հետ միասին օգնում է շօշափելի տեսնել դրանց իրական պատկերը եւ մանրամասների բազմազանութիւնը:

Կարծում ենք՝ պարսպանման պարագիծը եւս օգտագործուել է ծէսերի համար: Նման եզրակացութեան համար հիմք են հանդիսանում հետեւեալ տուեալները: Պարիսպների կամ հաստ պատերի վերին մակերեւոյթը՝ հանրայայտ է, որ բոլոր ժամանակներում օգտագործուել է երթեւեկութեան համար: Շէնքերի բարձր մասերը, ոչ միայն տներին կից աշտարակները, այլեւ՝ կտուրները, կիրառուել են ծէսերի համար. սա յատկապէս լաւ է ուսումնասիրուած գրադաշտական ծէսերի ոլորտում<sup>33</sup>: Հոգմիկի «պարսպի» վերին մակերեւոյթի տարբեր կէտերում գտնուել են կենդանիների մնացորդներ: «Պարսպի» վրայ կարելի էր բարձրանալ շարժական աստիճաններով, բացի այդ, արդէն նշուեց, որ համալիրի մի մասում բացուել են վեր տանող քարէ աստիճաններ:

Հետաքրքիր է «պարսպի» արտաքին ենթակառույցը: Թէեւ նրա պեղումները դեռ չեն աւարտուած, բայց հարաւից եւ արեւմուտքից նրա արտաքին ճակատին փոխուղղահայեաց շարուած են մօտ 1,5 մ միմեանցից հեռացած եւ սրանից քիչ աւելի երկար գուգահեռ քարէ միջնորմներ, ըստ երեւոյթին՝ ծէսին նախապատրաստելու համար այստեղ կենդանիներ կանգնեցնելու նպատակով, որ յայտնի է նրանց մնացորդներով, իսկ հարաւահարեւմտեան ճակատին յաւելուած է մի քարարկղ:

32 Սրա մասին տե՛ս, օրինակ, Ա.ԳԱԹԱՆԳԵՂՈՍ, § 809:

33 ДОРОШЕНКО, Е. А., *Зороастрийцы в Иране*, Москва 1982.

Անտիկ Հայաստանի տաճարները՝ լայն առումներով, բարդ ենթակառույցներից բաղկացած շինություններ էին՝ շրջապատուած գանձատներով, պահեստային շինություններով, հիւրանոցներով, մշակովի հողերով, արօտավայրերով, տաճարապատկան գիւղերով ու ագարակներով: Տաճարական այս խոշոր համալիրների կորիզը վերը նշուած բաղիկներն էին եւ գերազանցապէս ծածկի տակ գտնուող մեհեանները: Մի դէպքում այս երկուսը կարող էին իրարից հեռացած լինել, մի այլ դէպքում՝ հարեւանել:

Ելնելով վերոյիշեալ գրաւոր սկզբնաղբիւրների եւ ներկայացրած օրէցօր աճող հնագիտական նիւթի քննութիւնից՝ կարելի է արձանագրել, որ հին Հայաստանի բաղիկները եղել են գերազանցապէս բացօթեայ կառույցների բաւական ընդարձակ եւ բարդ համալիր, որ մի դէպքում կանգնեցւում էր ծածկի տակ առնուած տաճարի առաջ կամ նրա մերձակայքում՝ նման կերպ ներառուելով սրբազան տարածքի՝ տեմենոսի մէջ, միւս դէպքում էլ կանգնած էր մեկուսի: Նրանց գլխաւոր բաղադրիչը զոհասեղանն էր՝ իր բազմաթիւ հնարաւոր տարբերակներով հանդերձ: Այսպէս՝ բաղիկները հիմնականում բացօթեայ կառույցներ են, ի տարբերութիւն հիմնականում ծածկի տակ առնուած շինութիւնների, նեղ առումով՝ մեհեանների:

Մեհեանի եւ բաղիկի ծաւալատարածական տրոհումը անհրաժեշտութիւն էր, քանի որ բազմամարդ ծէսերի համար ծածկի տակ առնուած մեհեանական սրահները, առաւել եւս՝ խցերը, յարմար չէին: Մեհեանը աստօոյ տունն էր, իսկ նրա եւ նախնիների պատուին նախատեսուած զոհասեղանները դրւում էին այս մեհեանների բակում, մերձակայքում կամ մեկուսի տեղանքում: Սրա օրինակները Հին աշխարհի տարբեր երկրներում շատ են ու հանրայայտ:

Մեհեանի եւ բաղիկի միջեւ գործառնութների բաշխումը եւ փոխադարձ կապը ստեղծում էր մի կուռ համալիր, որի ներսում երկու բաղկացուցիչների գործառնութների միջեւ հնարաւոր էին փոխներթափանցումներ: Մեհեանի ներսում «սուրբ սրբոցում», ուր սովորաբար արգելուած էր շարքային մարդու ներկայութիւնը, դրւում էին տարբեր տիպի զոհասեղաններ, սակայն սահմանափակ թուով ծառայողների եւ ընտրեալ յաճախորդների համար, իսկ փոխարէնը՝ բացօթեայ կառույցների՝ բաղիկների համալիրը կարող էին ներառուել նրանց հարեւանող օժանդակ սենեակներ, ինչպէս տեսնում ենք Հոդմիկի արեւմտեան համալիրի հարաւային մասում: Պաշտամունքային համալիրների նման բեւե-

ուացումը երկու կէսի որոշակի կապի մէջ է նրանց ծաւալատարածական ընդարձակման գործընթացի հետ:

Ինչպէս խոշոր բնակավայրերում տեղի էր ունենում տրոհում աշխարհիկ եւ հոգեւոր բաժինների, յաճախ միջնաբերդերի տեսքով, այնպէս էլ առանձին վերցուած՝ հոգեւոր հատուածում անխուսափելի էր գործառական բաժանում զանգուածային եւ ոչ զանգուածային արարողակարգերի, հիմնական եւ օժանդակ գործառույթների իրականացման տեղի եւ պիտոյքների յօրինուածքի միջեւ: Սրա մի հիանալի օրինակ, թէեւ առաջին հայեացքից միամիտ շարադրուած, տալիս է Մովսէս Խորենացին «կուռքերի քաղաք» Բագարանի մասին պատմելիս. «բայց Երուսաղէմ իր քաղաքը (Երուսաղէմը – Հ. Յ.) շինելով՝ Արմաւիրից այնտեղ փոխադրեց ամէն ինչ բացի կուռքերից, որովհետեւ իրեն համար օգտակար չհամարեց նրանց էլ իր քաղաքը փոխադրել, որ մի գուցէ երբ ժողովուրդը զոհաբերութեան համար այնտեղ գայ, քաղաքն զգուշութեամբ չպահվի»<sup>34</sup>: Իհարկէ, վերն ակնարկած մի տեղ հաւաքուած ժողովրդի ապստամբութիւնից խուսափելու մտահոգութիւնը Բագարանի եւ Երուսաղէմի բեւեռացման ընդամէնը մի, այն էլ՝ ոչ էական պատճառն էր: Հոգեւոր ոլորտն առանձին վերցրած՝ ոչ պակաս մեծ ու բազմամարդ ծաւալների հետ գործ ունէր, սրանց կառավարելու հարցում շատ մանրամասներում կրկնելով աշխարհիկ ոլորտի առանձնայատկութիւնները: Նոյն հաղորդման մէջ Խորենացին նաեւ նկատում է, որ Երուսաղէմը «Ախուրեան գետի վրայ շինեց մի փոքր քաղաք նման իր քաղաքին (այսինքն՝ Երուսաղէմին – Հ. Յ.) եւ կոչեց Բագարան»<sup>35</sup>:

Բագիններ կառուցելու եւ դրանք սպասարկելու համար յատկացւում էին, դատելով Նեմրուժ լեռան եւ միւս սրբարանների տարածքում գտնուած ընդարձակ արձանագրութիւններից, հողեր, գիւղեր՝ իրենց բնակչութեան հետ միասին, քրմեր<sup>36</sup>, եւ բագինների շարժական ու անշարժ գոյքը, եկամտի աղբիւրները սրբազան ու անձեռնմխելի էին: Բազմամարդ թափօրը նշանակուած օրացուցային օրերին այստեղ ներկայ էր խոշոր արարողութեան, որի մի կարեւոր մասը կռապաշտութիւնն էր<sup>37</sup>:

34 ՄՈՎՍԷՍ ԽՈՐԵՆԱՅԻ, Հայոց պատմութիւն, Բ., իս.:

35 Անդ.:

36 САРКИСЯН, Г. Х., և՛. աշխ., 7:

37 ՄՈՎՍԷՍ ԽՈՐԵՆԱՅԻ, Հայոց պատմութիւն, Բ., ը. Բ., ք.:

*Դէպի հին Հայաստանի գլխաւոր բազիններ, պետականօրէն հաստատուած կարգով, կատարուում էր ուխտագնացութիւն՝ աստուածների պատկերներին երկրպագելու համար<sup>38</sup> բազինի վրայ դրած կուռքերի առաջ ծնկի իջնելով եւ գետինը համբուրելով: Այսպէս, օրինակ, թագակապ ասպետ Ենանոսին «Արշամ թագաւորն... հրամայեց... երկրպագել արեգակին եւ թագաւորի կուռքերը պաշտել»<sup>39</sup>:*

*Այսպէս՝ բազինները ժողովրդական հաւատալիքներին համապատասխան պարզունակ սրբարաններից առաջացած եւ մանրամասն մշակուած՝ պետականօրէն կանոնակարգուած կառույցներ էին, որոնց առաւել կարեւոր մասը բաց տեղանքում կամ սրբազան ցանկապատի ներսում կանգնեցուած զոհասեղաններն էին՝ իրենց բազմազան դրսեւորումներով եւ արարողակարգի մանրամասներով հանդերձ:*

ՀԱՅԿ ՅԱԿՈԲԵԱՆ

<sup>38</sup> Ագաթանգեղայ Պատմութիւն Հայոց, § 22: ՄՈՎՍԷՍ ԽՈՐԵՆԱՅԻ, Հայոց պատմութիւն, Բ., ք.:

<sup>39</sup> ՄՈՎՍԷՍ ԽՈՐԵՆԱՅԻ, Հայոց պատմութիւն, Բ., իդ.:



### Summary

## BAGIN SHRINES OF THE ANCIENT ARMENIA

HAYK HAKOBIAN

One of the most remarkable areas of the spiritual heritage of ancient Armenia is the cult of ancient Armenians and the complex of institutions related to it. Early medieval Armenian written sources left little but important information about them. Some of these data allude to unique sacred structures - bagins (Agathangelos, Movses Khorenatsi). Based on the context, it is assumed that the bagins were part of the temples, or were independent structures located in separate sanctuaries.

Until now, there is no stable opinion in Armenology about the external structure of bagins and their specific function. Moreover, judging from the context of the written sources, these two were closely related to each other. At the same time, in Armenology, there are at least five definitions for bagins equally acceptable to academic science. This very fact indicates that the definitions are just scientific hypotheses, not supported by new evidence which is highly necessary to shed light not only on the ideological side of the ancient Armenian statehood in general, but also on the pagan religion of the Armenians and the rituals in particular. It is a separate issue whether the Armenian temples and the structures adjacent to them remained in a strictly traditional form until the dawn of Christianity and were similar to the creations of their Eastern neighbors, or had a more Hellenized appearance.

The only way to get an adequate answer to these questions is to compare the data of the written sources with the religious structures of the neighboring peoples and, more importantly, with the archaeological material of Armenia. Until recently, such archeological data did not appear, leaving Armenologists puzzled as to which of the five possible versions is closer to reality. Are the Bagins mehyans, statues, altars, sanctuaries, or a complex of buildings? It should be noted that some of these definitions are complementary rather than contradictory and the latter of them offers a rather extensive and vague formulation.

The solution to the problem is starting to emerge in the territory of the large temple complex of Hoghnik excavated in the north-west of the Republic of Armenia, where unique monumental structures included in an open-air complex have been discovered in the last two archaeological seasons. It is these that must be seen as the long-sought bagins, the composition of which is so elaborate and restrained that, together with the accompanying material, it enables certain judgments about the rituals performed here at the time.